



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 10. Lamentatio Jesu, Filii Anani.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

non ad unam Ecclesiam particularem, sed *Sæculum I.*
 ad duodecim tribus dispersas, id est, ad *A. C. 54.*
 omnes Judæos Fideles inter Gentiles ha-
 bitantes directæ est. Præprimis in hac *Jac. 2. 14. 24*
 Epistola Apostolus bona opera commen- *Aug. de Fide*
 dat, sine quibus vanam esse fidem, osten- *& Oper.*
 dit; ut errorem impugnaret, qui propter *c. 14. n. 21.*
 verba male intellecta S. Pauli, quasi ope-
 ra deprimentis, jam tunc excreverat. Sub
 finem Epistolæ hæc habet: *Si quis ve-*
strum infirmatur, accersat Presbyteros Ec- *Jac. 5. 5. 14.*
clesiæ, ut orent pro eo, & oleo ungant in
nomine Domini; oratio fidei salvabit in-
firmum, allevabit eum Dominus, & si in
peccatis sit, remittentur ei. Quod de in-
 stituto Sacramento, ægrotis Fidelibus
 administrando, antiquitas intellexit.
 Non desunt exempla unctionis alterius *Innoc. epist.*
 generis infirmis applicari solitæ, sed hanc *I. c. 8.*
 indiscriminatim Fidelibus, & Infidelibus *Marc. 6. 13.*
 ægrotis, Laici æque ac Presbyteri, quibus *Ruff. II. hist.*
 donum miraculorum datum erat, adhi- *c. 4.*
 bebant. *Sozom. VI.*
c. 19. 29.

§. X.

Lamentatio Jesu filii Anani.

Judæi S. Jacobi necem, malorum omnium *Orig. I. cont.*
 fontem, quæ ultimum universæ civi- *Cels. p. 35.*
 tatis excidium præcessere, fuisse credi- *Jos. VII.*
 derunt. Jamque tunc, id est, quatuor *bell. c. 12.*
 annis ante belli initium, terribile mali
Hist. Eccles. Tom. I. O appro-

Sæculum I. appropinquantis præfagium oculos eo-
 A. C. 54. rum, auresque cruciabat. Quidam no-
 mine Jesus, Anani filius, homo de plebe,
 & agrestis ad festum Tabernaculorum ve-
 nit Jerosolymam, cum civitas tranquilla
 pace, & ingenti opulencia frueretur; &
 Templum ingressus, clamare coepit:
Vox ab Oriente, vox ab Occidente, vox
a quatuor ventis; vox contra Jerusalem,
& contra Templum; vox contra sponfos,
& contra sponsas; vox contra omnem
hunc populum. Sic die, nocteque per om-
 nes urbis plateas clamabat.

Primores civitatis malum omen dete-
 flati, prehensum, verberibus affligunt.
 Ipse nihil nec pro se, nec contra cæden-
 tes locutus, a solito tamen clamore non
 destitit. Magistratus rati, urgente Nu-
 mine eum taliter plangere, Albino, qui
 pro Romanis Provinciæ præerat, sistunt;
 is hominem flagris tamdiu concidi iussit,
 usque dum ossa nuda apparerent. Sed
 ne hæc quidem tormenta vel preces, vel
 lacrymam expresserunt patienti; solum-
 modo ad ictum quemlibet voce debili
 lamentum repetebat: Væ! Væ! Jeru-
 salem! Albino percontanti, quis & unde
 esset, & quæ lamentorum causa? nihil
 reposuit, nisi novos super mala civitati
 imminenti planctus. Tandem Albinus,
 amotam homini mentem, nil dubitans,
 dimisit.

Septem

Septem annos, & menses quinque lamentatio tenuit; toto hoc tempore nemini loqui visus est, nec quotidie injuriantibus injurias, nec escam præbentibus gratias referre. Unicum omnibus responsum, tristis lamentatio erat. Diebus festivis clamabat intensius, nec clamando fatigabatur, nec vocis raucedinem contraxit. Cum Romani civitatem obsidione cinxissent, circum urbis muros ambulans, vociferabatur: *Væ civitati, væ Templo! væ populo!* Denique adjunxit: *Væ etiam & mihi*, hæc locutum lapidis excussi ictus stravit. Hoc vero ei post quatuor demum annos contigit.

§. XI.

Romæ incendium, & primi Martyres.

Anno Neronis decimo, Jesu Christi sexagesimo quarto, decima nona Julii incendium Romæ in majoris circi tabernis exortum, sex dierum spatio in totam urbem grassatum est. Ex quatuordecim urbis Regionibus solum quatuor illæse perstiterunt. Tres funditus consumptæ. In aliis septem quædam domorum reliquæ flammis sopitis superstites videbantur. Erat tunc quidem Nero Antii; constans autem fama ipsum incendii auctorem

Sæculum I.
A. C. 64.

An. 64.

Tac. XV.

Ann. Suet.

Ner. c. 38.

Xiphil. ex

Dio p. 178.